

欽定戶部漕運全書

欽定戶部漕運全書卷二十目錄

通漕運艘

淺船額式

工料則例

三修則例

畱通變賣

淺船額式

一各省漕船向例大小不同康熙六年題准浙江江西湖廣等省悉照淮式一律成造康熙十七年題准漕船載米不得過四百石入水不得過六捺空船以四捺爲度康熙十九年

特遣部員酌定新式康熙二十一年題准各省遵照新式長七丈一尺一律成造康熙二十六年題准以新式船小載重量加寬大雍正二年題准江西湖廣漕船以十丈爲率短不得過九丈其寬

深丈尺酌量合式其餘各省仍照式成造所有  
原定舊式并續定新式詳載於後

一原定船式照舊例每船底長五丈二尺中闊

九尺五寸厚二寸頭長九尺五寸闊六尺二

寸厚二寸係撈浪船長九尺五寸闊五尺二

寸厚一寸二分係封梢兩康各長七丈一尺

闊八寸中厚五寸頭艙各厚三寸拖泥各長

五丈三尺五寸闊六寸厚一寸七分脚棧各

長五丈五尺闊六寸五分厚一寸七分兩棧

各長七丈一尺深三尺六寸厚一寸七分 頭  
伏獅長八尺闊一尺厚三寸五分 梢伏獅長  
七尺闊八寸厚二寸五分 拳獅各長二丈二  
尺大頭闊五寸小頭闊二寸厚二寸 挽脚樑  
長九尺闊一尺二寸厚二寸 象鼻靠爪長四  
尺五寸厚三寸 草鞋底一副各長一丈四尺  
闊九寸上頭厚八分下頭厚一寸 其造船釘  
鐵麻油每船拳頭船鐵葉大小三十二條扒錫  
十二個共重十二斤 線釘長四寸扒頭釘長

五寸 底棧每一尺用四釘共用新釘鉅六百

二十斤 黃麻一百四十斤 桐油三十斤

油灰五百五十斤內該桐油一百二十斤 石

灰五石 皮條四根 其造船什物每船大桅

一根圓三尺二三寸長六丈止 頭桅一根圓

二尺長四丈止 桅夾一副 面樑一塊 舵

桿一根 舵板一扇 櫓二張用木一根圓一

尺七八寸長二丈止 火蓬一扇 頭蓬一扇

麻麻本身纜一根 麻麻帶頭纜二條 黃

麻大桅走繩三掛 黃麻都管繩一條 黃麻  
頭桅走三繩二掛 黃麻迎簾繩一條 大溜  
篾簾一條 二溜篾簾一條 篾拔皮二條  
篾小簾三掛 其造船裏料每船樑頭一十五  
座 龍口樑闊一丈零四寸深四尺 使風樑  
闊一丈四尺深四尺四寸圓口 後斷水樑闊  
九尺深五尺 神堂樑深五尺一寸圓口 兩  
殿共闊七尺六寸 立跨板厚五分前後引條  
高三尺 舊邊新楞格兩邊共八扇 官倉門

四扇前後拖門舊板全

以上樑頭裏料有底船者估足數准算如無  
底船者照數扣追買新料成造旗丁自備

一改造船式

照康熙十九  
年定例開載

每船底長五丈二尺

中闊一丈四尺四寸厚二寸 頭長九尺五寸

闊一丈一尺厚二寸係塘浪 艖長九尺五寸

闊一丈八尺厚一寸七分係封艖 兩庫各長

七丈一尺闊八寸共深四尺四寸 兩棧各長

七丈一尺闊三尺六寸厚一寸七分 頭伏獅

長一丈一尺闊一尺厚三寸五分 艖伏獅長  
一丈八寸闊八寸厚二寸五分 擘獅各長二  
丈二尺大頭闊五寸小頭闊二寸厚二寸 挽  
腳樑一塊長九尺闊一尺二寸厚二寸 燕窩  
護腮 草鞋底 其大小物料每船大料四十  
七根 榆槐等木八根備桅夾舵板并各樑頭  
艖伏獅燕窩護腮雲頭板之用每根長二丈二  
尺根徑六寸 釘鉅線釘長四寸扒頭釘長五  
寸 底棧每一尺用四釘共九百觔 擘頭鐵

葉八十八塊 小釘二百二十六箇共鐵三十  
二觔 桐油一百五十觔 石灰一百觔 白  
麻六十觔 黃麻三百觔 纜繩取用在內 煤  
炭一千七百七十六觔 顏料畫頭船用 其  
什物每船大桅一根長五丈四尺徑一尺一寸  
頭桅一根長四丈一尺徑七寸 檣木一根  
長三丈徑六寸 桅夾 桅下差面樑 使風  
樑 扇樑 舵板 風篷 麻纜 麻繩 篋  
籃舵桿大小共七根 其裏料與舊式同

一九驗之法一曰驗木二曰驗板三曰驗底四  
曰驗樑五曰驗棧六曰驗釘七曰驗縫八曰驗  
驗法九曰驗頭艖驗木者木取良材毋雜惡質  
毋間舊料長短有規大小有準驗板者板有厚  
薄分寸原有漕規定制如康板厚五寸塘浪底  
板厚二寸拖泥脚棧棧板厚一寸七分而好匠  
包造擲薄大料以充裏料每每分寸差池今後  
下墨之時卽當查驗錐路解板下錐卽當比較  
分寸如不合式立刻嚴究另換驗底者船之大

小始基於底如淺船底長不過五丈二尺中間  
闊不過九尺五寸匠受旗賄改長增闊不依舊  
規今欲造辦合式當於鋪墊底板驗量尺寸少  
差卽勒改造底完安樑樑闊則船腹寬樑高則  
船腹深容受多而利裝私載故旗匠通同每每  
溢額淺船龍口樑闊不過九尺高不過一丈四  
寸使風樑闊不過一丈四尺斷水樑闊不過九  
尺高不過五尺細細量驗一不合式卽勒令減  
削樑完上棧淺船棧長七丈一寸深三尺六寸

其順身既長非短小之料可用棧板之力把持  
通船須擇長材以圖堅久潦草安置零碎闌湊  
則把持無力不久綻裂矣用釘之法一尺四釘  
未上兩棧釘眼在外上棧之後釘眼在內有等  
恣意侵漁而匿釘不用虛派釘眼而眼內無釘  
務宜逐眼稽查內外審眈縫口何以用驗蓋挪  
減大料每每遷就板邊板邊不淨是以縫口不  
合雖極力窒縫隙終不滿漏終不止全在合板  
之時早爲查驗驗法何以用驗蓋驗之法以斧

入鑿以鑿入麻縫滿然後固以油灰今奸匠侵  
漁麻少縫闊不能受灰甚至油少灰生旋上旋  
落祇可謂之塗抹了事安得云船逐節嚴查麻  
少灰生立行究處頭艙何以用驗蓋封頭封艙  
船工將完人心草率每見廠造舊船船身無恙  
而頭艙先脫職此之故鐵葉扒錫所以攀護此  
頭艙者不許折乾短少鋪頭鋪艙裏料所以骨  
幹此頭艙者不許濫亞充數用釘必處處周到  
望船必處處完全頭艙堅實船自經久

議畢  
萬本

一 乾隆五十年欽奉

上諭各省漕船一遇暴風往往有沉溺傷損之事究因船身高大沉重所致著毓奇會同有漕省分各督撫酌定船式尺寸妥議具奏欽此又奉

上諭雍正初年部議成造漕船原有定式如有私放寬大者將糧道題叅治罪漕船過淮之時漕臣盤查不許多帶土宜等語迄今六十餘年恐奉行不力日漸廢弛並著薩載會同毓奇將近來漕船過淮如何盤驗據實具奏欽此嗣據該督等覆奏議請嗣後江浙

漕船定制船身長八丈寬一丈五尺底長五丈  
九尺兩康兩棧共深六尺較現船收淺一尺五  
寸木板艙樓收低一尺大桅頭桅俱爲收低天  
蓬酌高二尺八寸較現船收低七寸江廣漕船  
定制船身長九丈五尺寬一丈六尺五寸底長  
七丈二尺兩康兩棧共深六尺九寸較現船收  
淺一尺六寸天蓬高二尺八寸大桅頭桅亦俱  
收低艙樓酌高四尺四寸較現船收低二尺天  
蓬之上安設牌樓樣槁欄杆等項概行除去毋

託再行安設例給料價照舊給發隨帶土宜並  
江廣二省例帶木植撥船俱令照舊辦理並請  
責成該管糧道親加查驗倘有偷減工料或私  
放寬大者過淮查出卽將該管糧道并成造備  
弁據實嚴叅

一江西湖廣軍船船身笨重喫水較深嘉慶十  
五年經江西巡撫先福奏請將江西漕船量爲  
改小原長九丈五尺改爲九丈兩庋兩棧原深  
六尺九寸改爲六尺六寸上裝牌樓柱收低三

寸船底原長七丈二尺改爲七丈並恐土宜運  
具等項軍船難以攜載將每船原帶一百石小  
撥船改爲三百石撥船一隻以資分裝如遇淺  
澗卽令此項撥船三五幫分撥一幫由戶部奏  
交兩江總督松筠漕運總督許兆椿詳查覆奏  
准自嘉慶十六年起將新造軍船查照現定丈  
尺辦理倘新造軍撥船隻私放寬大希圖多帶  
貨物將承造之衛備領運之千總叅辦失察之  
糧道一併議處其湖北湖南漕船並經署湖廣

總督同興護湖南巡撫朱紹曾奏准仿照江西  
新定丈尺一律改小並照江西省每漕船一隻  
准帶三百石撥船一隻

工料則例

一漕船料價向例各省多寡不一除通津各衛  
係旗丁自備外其江南山東浙江江西等衛所  
每船原給料價銀二百八十三兩二錢七分零  
順治十七年題准山東各衛并江南江興廬鳳  
淮揚徐滁各衛減銀四十八兩五錢康熙十一  
年題准又減銀一十兩四錢康熙十七年題准  
又減銀一十五兩六錢康熙十九年題准又減  
銀三十一兩六錢一分其安新宣建蘇太鎮金

各衛康熙十七年減銀七十四兩五錢零康熙  
十九年減銀三十一兩六錢一分零浙江各衛  
折康熙十七年減銀二十二兩二錢四分零十  
九年減銀三十九兩五錢四分零江西各衛康  
熙十九年減銀四十二兩九錢零湖廣各衛原  
給料價銀二百五十兩康熙十九年減銀七十  
二兩八錢四分零康熙二十二年定例將各省  
船隻統給料價銀一百七十七兩一錢五分零  
康熙二十六年題定進漕一例每船料價銀二

百八兩七錢七分三釐其江淮興武二衛因料價不敷順治十二年題准給以鑛夫銀五十兩底料銀五十一兩鑛夫銀兩並無增減其底料一項係以十分計算每分銀五兩一錢若無底料者全給銀五十一兩或有底料不足則照不足分數補給康熙二十二年部議將鑛夫銀兩停其支給康熙二十六年題准復給康熙四十二年題明駁追雍正九年欽奉

上諭復給其銀兩在於徵收餘丁協濟銀內動支糧道

當堂唱名給發取結送部所有裁減并增定各料價數目開載於後

一漕船裁減料價數目

照舊例開載

每隻原定大小

料什物人工銀二百三十四兩七錢七分三釐八毫一絲六忽每船減大料銀九兩小料頭大桅檣木銀一兩四錢實共大小物料人工銀二百四十四兩三錢七分三釐八毫一絲六忽內每船大料銀一百八兩今減銀九兩實該銀九十九兩 每船桐油一百五十斤價銀十五兩

黃麻三百斤價銀七兩八錢共該銀二十二兩  
八錢 每船頭大桅槽木桅夾面櫟舵桿草鞋  
底篾筐白麻風篷乾灰鐵葉什物等件共銀三  
十六兩六錢一分八釐八毫一絲六忽今頭大  
桅槽木減銀一兩四錢實該銀三十五兩二錢  
一分八釐八毫一絲六忽 每船用人匠工食  
該銀二十九兩四錢二分五釐 每船釘鉅九  
百斤該銀三十二兩四錢 每船煇釘煤工銀  
五兩五錢三分

以上係清江廠造船料價定數各省雖有額  
例多寡不同而每船大小料價人工銀兩悉  
照此則例以爲裒益

一 改定漕船料價數目

照康熙二十六年  
題准之例開載

每船

大料木植銀九十四兩九錢一分 每船小料

釘鉅九百斤銀五十一兩五分 每船爐釘鉅

鐵葉小釘爐打鐵葉煤炭工食銀五兩三錢

每船黃麻銀五兩七錢六分 每船桐油一百

五十斤銀一十兩五分 每船石灰白麻大梳

頭桅檣木桅夾面樅桅桿草鞋底大小篾簍頭  
蓬大蓬共銀三十三兩四錢六分三釐 每船  
各用人匠工食銀二十八兩二錢四分 江淮  
興武二衛成造清船給鑄夫銀五十兩底料銀  
五十一兩

三修則例

一各省修驗漕船向例悉照出廠年分遞增銀數支給其江南省每船每年給六款工費共銀五錢四分俱照現運船隻支領又每船歲給筴暨共銀一兩一錢五分又每船三年一次即出水之第四年第七年給黃麻共銀一兩三錢二分又每第十年也即出水之第五船至第四年七年年第八年也各一次給白麻共銀七錢又每船至第五年即出水之第六年也給換大蓬頭蓬共銀五兩又每船已滿十年如果尙

堅始准照九年例不支黃麻再支修船銀三兩

餘年一槓不准支領又每船運過一年即出水之第二年

也年給修船銀六錢後照年第遞加又每船運至

七八九年即出水之第八年外加大修銀三兩

又初年新造出水船物堅全不給修船什物祇

給工費銀五錢四分又第一年即出水之第二年也給修

船篋置工費共銀二兩二錢九分第二年即出水之

第三年也給修船篋置工費共銀二兩八錢九分第

三年即出水之第四年也給修船篋置黃麻修邊工費共

銀五兩五錢二分第四年

即出水之  
第五年也

給修船筏

簞白麻工費共銀四兩七錢九分第五年

即出  
水之

第六  
年也

給修船筏簞篋換蓬工費共銀九兩六錢九

分第六年

即出水之  
第七年也

給修船筏簞篋黃麻工費共

銀六兩五錢二分第七年

即出水之  
第八年也

給修船加

大修船簞白麻工費共銀九兩五錢九分第八

年

即出水之  
第九年也

給修船加大修船簞修蓬工費共

銀一十兩二錢九分第九年

即出水之  
第十年也

給修船

加大修船簞黃麻工費共銀一十一兩二錢二

分其過號船隻如尙堅固照九年例再支三年

餘年一概不准支領

卽出水之第十一年第十二年第十三年也

不

支黃麻祇給修脣加大修篋簞工費共銀一十

兩九分浙江省漕船第一年不給修脣銀兩第

二年每船給修脣銀三兩一錢五分第三年每

船給修脣銀五兩二錢五分第四年每船給修

脣銀八兩三錢第五年每船給修脣銀九兩三

錢八分第六年每船給修脣銀一十三兩五錢

五分第七年每船給修脣銀一十三兩八錢第

八年每船給修脣銀一十四兩一錢五分第九  
年每船給修脣銀一十四兩八錢三分第十年  
每船給修脣銀一十五兩一錢五分十一等年  
過號漕船每船給修脣銀兩俱照第十年分給  
發以上銀兩每年照例支領江西省漕船第一  
年不給修脣銀兩第二年每船給小修銀三兩  
第三年每船給中修銀五兩第四年每船給中  
修銀五兩第五年每船給大修銀七兩第七年  
每船給大修銀七兩第九年每船給大修銀七

兩第十年每船給入修銀七兩其過號等船如

尙堅回仍可加修再運一二年者量加修船銀

兩仍令載運照年扣算以上銀兩每年照例支

領湖廣省漕船第一年不給三修祇給工費五

錢四分第二年每船給工費銀五錢四分三修

銀八錢什物銀一兩一錢五分第三年每船給

工費銀五錢四分三修銀一兩六錢什物銀一

兩一錢五分第四年每船給工費銀五錢四分

三修銀二兩四錢什物銀一兩一錢五分第五

年每船給工費銀五錢四分三修銀三兩二錢  
什物銀一兩一錢五分第六年每船給工費銀  
五錢四分三修銀四兩什物銀一兩一錢五分  
第七年每船給工費銀五錢四分三修銀四兩  
八錢什物銀一兩一錢五分換蓬銀三兩四錢  
黃麻銀一兩二錢三分第八年每船給工費銀  
五錢四分三修銀五兩六錢大修銀三兩什物  
銀一兩一錢五分芋麻銀七錢第九年每船給  
工費銀五錢四分三修銀六兩四錢大修銀三

兩什物銀一兩一錢五分第十年每船給工費銀五錢四分三修銀九兩二錢大修銀三兩什物銀一兩二錢五分黃麻銀一兩一錢三分修蓬銀四錢五分十一等年過號漕船每隻給工費銀五錢四分三修銀七兩二錢大修銀三兩什物銀一兩一錢五分以上銀兩每年照例支領山東省漕船第一年每船給三修銀六錢第二年每船給三修銀一兩二錢什物銀一兩一錢五分第三年每船給三修銀一兩八錢什物

銀二兩八錢三分第四年每船給三修銀二兩  
四錢什物銀一兩八錢五分第五年每船給三  
修銀三兩什物銀二兩三錢八分第六年每船  
給三修銀三兩六錢什物銀四兩五錢五分第  
七年每船給三修銀四兩二錢什物銀三兩八  
錢第八年每船給三修銀四兩八錢什物銀一  
兩一錢五分第九年每船給三修銀五兩四錢  
什物銀三兩八錢三分第十年每船給三修銀  
六兩什物銀一兩一錢五分其過號等船如尙

堅固尙可加修再運一二年者量加修船銀兩  
仍令載運照年扣算以上銀兩每年照例支領  
河南省漕船係撥直隸之天津通州并江南山  
東二省船隻協運其江南山東二省修船銀兩  
俱於各衛所船隻內註明其天津通州每船每  
年給修船銀二十七兩九錢七分俱於出運三  
年後起支

一康熙二十六年題定每年出運一船給發修  
費銀七兩五錢各省畫一遵行

一各省修驗銀兩定例在於各該糧道庫內支  
給報銷其江安蘇松等處修驗銀兩向係各衛  
官丁於過淮時造報總漕批給康熙二十七年  
題定停其解淮統歸各該糧道給發其天津通  
州二處三修銀兩在於通濟庫內支領

一漕船截留支過三修銀兩已供修船之用者

免追

康熙三十  
二年

一山東省濟寧等衛所自備船應行修驗並無  
料價閏月錢糧又無贍地什軍幫貼康熙三十

七年咨准照通津二所出運各丁自備船隻在

通濟庫內支給修船閏月銀米之例支給銀米

一回空船隻如遇煞壩挑河未經進口給銀修

船俟開壩飛輓受兌

康熙五十二年

一糧船到次糧道即行給發三修銀兩立刻修

船如該丁有事故者即著該船舵工修船倘有

遲悞以及虛領錢糧不行修船者總漕即將糧

道監兌押運衛備等官題奏議處修船銀兩仍

著落旗丁賠補

雍正二年

一修船清船雍正四年題准初出廠之年概不  
支給修船銀兩惟江南省歷年獨支雍正十三  
年題定自雍正十二年爲始停其支給畫一遵  
行

一湖南地處最遠回空最遲乾隆二十四年奏  
准將各丁應得運費責令糧道每年於十月內  
每船先動銀五十兩委員迎至湖北之田家鎮  
等候空船一到卽給各丁先行買補篷纜等物  
一至漢口鳩工沿途修船乾隆三十年奏明預

發銀兩未歸實用仍循舊例於抵次之日給發  
令各管守備千總親身督押趕緊修理

一寧波後幫旗丁馬驥如等滿號船隻加修緩  
造後驗明船身受傷現在腰直艏拖難以加修

若准雇募兌運

乾隆五十四年

一山東省被災減歇船隻修驗在先奉減在後

支過三修銀兩准其免追

嘉慶三年

一通州幫嘉慶十八年停運無須修驗所領修  
驗銀兩在管備千總名下勒限完繳如有延宕

著落該管上司分賠

嘉慶十年

一道光三年臨清山東前河南前後平山前後等五幫出運淺船修脩在先奉減在後支過修

脩銀兩免追

道光四年

一各屬漕糧及各幫軍船俱係糧道專司如各屬被災應緩漕糧州縣必先申報糧道糧道不難一面詳報緩徵一面飭查應緩糧數飭幫派減船數請領修脩之時自應覈實辦理以節糜費道光五年山東省各屬被旱被蟲奏准緩徵

漕糧係在該省軍船未經歸次之前所有濟前  
等幫支過修船銀兩飭令如數嚴追歸款

道光  
七年

留通變賣

一江西滿號船隻不堪加修者准其在北拆賣

改造撥船將料價銀兩解交糧道驗給濟造

雍正

年入

一回空漕船無需雙桅舊例令旗丁量賣桅木

一根雍正三年奏准禁止雍正九年題定仍准

旗丁賣桅木一根以資路費

一江右漕船十年滿號例准留通變賣乾隆七

年因安福所幫滿號船隻截留臨清不能赴通

咨准在臨濟變賣

一湖廣漕船乾隆八年題准於滿號之年重運  
回空時總漕親加驗看擇其堅固者加修出運  
一次准其留俟變賣五六年事故賠造船隻於  
足運後細加查驗如實係堅固令其再運二次  
咨部請造所有舊船准其留通變賣倘賠造之  
船已經足運朽腐該丁希圖二運之後可以變  
賣捏報堅固該管官不行詳查擅准出運該總  
漕卽行嚴叅究處

一向例湖廣滿號漕船擇其堅固者加修出運  
一次准其畱通變賣五六年事故賠造船隻於  
足運後如係堅固再運二次准其畱通變賣而  
買補民船原未議及乾隆十一年題准湖廣省  
買補足運之船准其畱通變賣所賣價銀坐糧  
廳封交隨幫攜帶回次交糧道驗給各丁以備  
新造之需其丁舵人等坐糧廳給與限單附搭  
本省各幫軍船回次責令押空廳弁一體約束  
一湖廣省滿號漕船照江西之例遇十年滿號

交糧後准其畱通變賣所賣銀兩照例每隻存  
畱銀六十兩令倉場封交隨幫解交糧道驗給  
以資新造之用將前漕臣顧琮酌議該省滿號  
漕船加修一二運再行畱通變賣之處均請停

止

乾隆二十三年

一各省漕船定例七八運而有事故者責令買  
補九運而有事故者准其雇募雇募船隻抵通  
交糧之後聽其自便例不跟幫回次買補一項  
湖南湖北二省無論滿號與否准其畱通變賣

惟江蘇浙江豫東等省買補船隻未經滿號者  
不許在北拆變輪當滿號成造之年均於交糧  
後准其在通變賣毋庸放空南下再買補之船  
或未經滿號中途遇有事故者向來江蘇等省  
亦係拆板帶回嗣後亦就地拆變以紓丁力

乾隆

二十  
九年

一江西省十年滿號漕船例准畱通變賣每船  
繳抵新銀六十兩呈坐糧廳驗明發給運弁領  
齋繳驗嗣因幫丁混借花銷自乾隆三十一年

爲始除失風買補實難措辦之事酌量辦理隨

時詳報如無事故飭令照數呈送押運廳齎准

呈驗到次送道驗給免送坐糧廳查驗

乾隆三十一年

一江西省九運漕船來年蠲漕停運照無事故

軍船減歇足運之例預行甯通變賣

乾隆三十三年

一興武七幫買補船隻並未扣除減歇年分詳

請甯通拆變應將並不詳查混報十運之該幫

千總罰俸一年

乾隆三十六年

一江西九江後等六幫停運船隻內有懸運九

進並無事故之船准其本年在北變賣有失風  
事故者飭令撐駕回南足運其起運九進失風  
之艘仍令照舊雇募足運

乾隆四  
八年

一湖南頭幫旗丁潘四狗等八運船隻並非買  
補之艘又無失風事故本不當拆變經倉場驗  
明該船受傷過重萬難再修暫准留通變賣嗣  
後八運船隻仍令歸次兌運

乾隆五  
十四年

一江淮興武二衛買補船隻雖係新船究非軍  
船可比裝運赴運交卸回空接兌下運恐致疎

虞准照楚省買補民船之例一律留通變賣仍

令將所變銀兩封交運弁帶回責丁按照年第

另買新船足運

乾隆五十四年

一江與各幫買補船隻原係旗丁捐辦僅可一

運若再輓尾則難經重載所有江淮六幫買補

船隻查照乾隆五十五年買補民船於交糧後

在通拆變之案准其在通變賣

嘉慶三年

一江西各幫到通船隻次年應運糧米欽奉

恩旨蠲緩該丁等九運船隻查照上次之例准其留通

拆變其九運停減幫船並於起運漕糧時雇募

足運

嘉慶四年

一湖南三幫旗丁黎華湖北三幫旗丁章啟華

九運二船朽腐難修准其留通變賣

嘉慶八年

一廬州衛三幫旗丁臧葆福買補船隻歷經九

運咨請留通拆變查該船既非滿號又無事故

飭令照例回空接兌新運

嘉慶十八年

一江淮三六兩幫旗丁葉李振等滿號船隻板

多朽壞選買江廣滿號船隻板料駕送本次配

造其不堪配造底料本船准其留通變賣

道光六年

一安慶前後兩幫旗丁馬春臺倪裕興馬逢春

等漕船已足十運板片無可取材准其留通變

賣

道光七年

欽定戶部漕運全書卷二十一目錄

督運職掌

監臨官制

監兌糧官

監臨官制

一漕運總督一員駐劄淮安凡僉選運弁核選漕船派發全單兌運開幫過淮盤掣催償重運查驗回空覈勘漂沒督追漕欠并隨漕輕齎行月等項錢糧皆其專責直隸山東河南江南江西浙江湖廣等省文武官員經理漕務者咸屬管轄如有州縣印糧官吏漕運官吏折乾盜賣及各衙門胥役需索官丁並漕蠹倉棍把特兌運事務與沿河文武官員催償不力違悞漕務

者悉聽擊問叅究

議單  
舊本

一各省總河嚴督沿河文武各官催重價空勿使停滯專責河官預期挑濬淤淺修築隄岸以保運道凡關河道事務皆其專責一應河官咸歸管轄如有扣剋夫柳工價侵冒修築錢糧與沿河文武官員催償不力者悉聽叅究

議單  
舊本

一各省巡撫督催所屬漕項錢糧交兌開幫船糧開行卽行題報嚴查水次折乾盜賣并禁并丁勒索棍蠹把持官役需索等弊其隨漕輕齎

行月等項錢糧先期督催徵解以濟漕運一切  
漕糧漕項完欠俱立有考成以定功罪如有道  
府各官不係專司漕務衙門借驗糧名色苛索

者指名題參

議單  
舊本

一巡漕御史順治初年舊有巡視南漕一員駐  
劄鎮江料理漕務督催大幫抵通交卸其新差  
御史督押回南順治十四年裁去雍正七年復  
設巡漕御史二員不拘滿漢於二月初派往淮  
安雍正十一年改於年前十二月間派往稽察

官吏人等向旋丁額外需索并旗丁夾帶私鹽及違禁等物嚴查淮安與白洋河東八閘等處地方光棍勾通催漕弁丁勒添緯夫加價分肥苦累旗丁等弊俟漕船過淮出臨之後隨漕直抵天津沿路查看如遇運河水道石塊木椿該管官查看起除不淨以致抵觸漕船及官弁需索稽留俱令查叅

一順治初年舊有巡視北漕御史一員兼理一切倉糧事務康熙七年裁去雍正七年復設巡

漕御史二員不拘滿漢於三四月內派往通州糧船抵通稽查該管衙門官吏及經紀車戶人等向旗丁額外需索陋規

一舊制設總督一員兼管直隸山東河南江南等處河道雍正七年分山東河南河道總督一員江南河道總督一員雍正八年又增設直隸河道總督一員乾隆三年裁去歸併直隸總督管理

一向設巡視南漕御史二員派往淮安巡視北

漕御史二員派往通州乾隆二年題准將巡漕  
御史四員以一員駐劄淮安巡察江甯江口起  
至山東交境止一員駐劄通州巡察至天津止  
一員駐劄濟寧巡察山東臺莊起至北直交境  
止一員駐劄天津巡察至山東交境止各按所  
巡地方巡遊訪察剔除諸弊如有不法官丁卽  
行題叅

一漕船到淮籤算乾隆四年題准令漕臣將漕  
查訪拏漕運總督親率善算之人赴船細覈一

切無事人等毋得多畱在艙如有勾通滋弊者  
立卽嚴拏究處乾隆七年題准重運過淮之時  
責令淮安府糧捕通判協同漕標營將秉公籤  
驗儻籤驗不實有弁丁營役舞弊營私該督卽  
行題叅究治乾隆九年題准籤盤營衛互用於  
籤盤之日拈隨分派著爲定例總漕及巡漕御  
史照此稽察如有改易成規卽行叅究

一張灣漕運通判屬坐糧廳管轄乾隆五年咨  
准三年考察倉場會同直督歸入

大計案內辦理

一通州巡漕御史向例祇派一員乾隆十七年

欽奉

諭旨以通倉積弊甚多欽點四員前往巡視一應收兌  
新漕支放米石俱著就近稽察在京各倉亦著一體  
畱心查察欽此乾隆二十三年奏准通州米石交卸  
業有倉場及坐糧廳總其職任所有通州巡漕  
御史四員以一員輪駐楊村來往稽查是年又  
奏准通州巡漕四員內分派滿漢各一員專駐

楊村料理撥船稽查挑潛以專責成其天津巡  
漕御史一員裁汰乾隆二十四年欽奉

諭旨將楊村駐劄巡漕御史之處停止乾隆二十六年

奏准通州巡漕御史二員酌派於天津復設一  
員通州巡漕祇須一員

一淮安巡漕御史一員乾隆二十三年奏准淮  
安籤盤糧數督催船行已有總漕專司其事所  
有駐劄淮安巡漕御史移駐瓜洲儀徵之間彈  
壓催償

天津巡漕御史一員所管係自東省之柘園  
至天津關止乾隆二十三年奏准楊村設有專  
駐巡漕御史二員即可兼行巡視楊村以南柘  
園一帶漕務其天津巡漕毋庸差派乾隆二十  
四年撤去楊村巡漕復經奏定天津以南歸併  
濟寧巡漕御史辦理天津以北統歸通州巡漕  
御史辦理乾隆二十六年奏准臨清以北天津  
以南計程一千餘里山東巡漕御史駐劄濟寧  
未免鞭長莫及所有通州巡漕御史二員祇須

一員其天津以南至柘園地方仍照舊例酌派  
一員復設天津駐劄往來稽察

一各省巡漕御史不僅責其專司催償凡屬漕  
規運務均當一體稽查乾隆三十八年奏准船  
糧在途一交夏令該御史於催漕之便畱心驗  
閱各船囤貯漕米是否多用氣筒開倉風瞭如  
有不遵卽將弁丁劾究設或有在東直二省偷  
盜好米之事尤當實力訪查盡法叅處

一乾隆五十一年湖廣省派委成造撥船辦理

安速之漢陽府知府德泰欽奉

上諭俟該員押船送至直省北河就近來京交該部帶領引見該督撫並著交部議敘派出在工出力人員亦著查明各部分別照例議敘欽此

一嘉慶五年奉

上諭鐵保奏漕船經過地方向有無賴棍徒勾串水手勒加身工銀兩甚至打船滋事請嚴飭地方官查辦等語著沿途文武地方官於漕船經過時卽多派兵役認真查拏務令棍徒知所畏懼預爲斂跡儻此後

仍行疎縱致棍徒水手再有勾串滋事之處著漕運總督卽將該處文武地方官嚴叅治罪等因欽此

一水手滋事之案歷年總在江南境內者多因山東直隸二省均有專派總兵大員駐劄河干彈壓查催惟江南鎮駐劄太遠勢不能照依山東直隸一律催漕自臺莊以下至蘇州直接浙江一帶並無專員統率督辦易致疎虞嘉慶五年奏准將重運糧船過境時浙江分作一段江南分作三段於沿河營汛例催之外每段添派

全... 卷二  
副叅大員一員就近酌帶兵役親駐沿河專司  
防護查催往來彈壓一俟重運過竣立即撤回  
一嘉慶十二年湖北起運新漕一切事宜俱係  
調署糧道事安襄鄖荆道王正常經手辦理業  
經督押開幫前進新任糧道張凱元於二月初  
八日抵省若令前赴水次接運轉多一番交代  
且恐驟易生手輓運未能妥速糧道衙門時有  
屯軍與民人交涉詞訟並催辦各屬南糧亦關  
緊要新任糧道張凱元責令專辦本衙門事件

毋庸督運

一江西旗丁在省應領運費銀數較多雖由糧道親自給發恐稽察偶疎或致滋弊藩司近在同城飭令糧道於給發運費時會同藩司當堂驗放以昭慎重

嘉慶十五年

監兌糧官

舊例監兌漕糧專責推官凡米色之美惡兌運之遲速及旗丁橫肆苛求衙役需索倉稅包攬撓和等弊俱責令監兌官嚴行禁戢事竣具結投報督撫查覈康熙六年各省推官盡裁題改於各省同知通判內委用一切事宜悉照推官監兌例舉行康熙五十一年題准監兌官務令坐守水次將正耗行月搭運等米逐船兌足親督到淮聽總漕盤驗雍正元年題定漕糧開倉

收兌之時派定監兌廳員不得以別項公事差  
委令其親身赴次專理漕務如有糧數不足米  
色不純總漕盤驗察出卽將監兌官題參照湯  
職例議處

一山東省監兌官

濟南府通判

武定府同知

兗州府通判

東昌府通判

泰安府通判

曹州府通判

以上六府同知通判各監兌本府漕糧

一河南省監兌官

歸德府通判

監兌開封歸德二府漕糧

衛輝府通判

監兌彰德衛輝二府漕糧

懷慶府通判

監兌河南懷慶二府漕糧

河南漕糧於康熙二十二年改折停運監

兌廳員盡行停止二十九年仍徵本色因

民間遠赴直省採買盤撥費重三十二年  
題准永折官爲辦買起運通判照舊管糧

一 江南省監兌官

江寧府管糧同知

蘇州府督糧同知

蘇州府管糧通判

松江府董漕同知

松江府糧捕通判

常州府管糧通判

鎮江府糧捕通判

太倉州管押丞倅

安慶府管糧通判

寧國府管糧通判

池州府管糧通判

太平府管糧通判

廬州府管糧通判

鳳陽府同知

淮安府軍捕通判

揚州府管糧通判

徐州府糧捕通判

以上同知通判各監倉。府漕糧惟蘇松  
二府漕白繁多額設管糧官各二員每年  
監兌押運輪流遞管其太倉州并所屬漕  
糧向係蘇糧通判兼兌並無專設之員嗣  
於乾隆四十五年江蘇巡撫咨明卽令添  
委押運之員監兌以專責成應領行月等  
項卽令監兌廳員辦理

浙江省監兌官

杭州府局糧通判監兌該府局鹽  
府屬石門縣監兌

嘉興府通判監兌該府屬

湖州府同知監兌該府屬六縣  
二糧并安吉縣酒糧

一 江西省監兌官

南昌府通判

吉安府通判

以上二府通判分理監兌南信瑞州臨江

吉安廣信建昌撫州南康等八府酒糧

臨江府通判

監兌饒  
屬清糧

一湖廣省監兌官

武昌府通判

漢陽府通判

黃州府通判

安陸府通判

德安府通判

荊州府通判

長沙府通判

三州府通判

三州府通判

以上九府通判各監兌本府漕糧

三各州府元漕米兌於丁船每府例委同知

或通判一員監兌監畢開行卽令監兌之員尾

押過淮然後回任乾隆二十三年因江西湖廣

押准之員遠涉江湖毫無所事曾經奏請停止

惟安徽押准之員仍循舊例未經畫一請照江

西湖廣之例一概停止

乾隆三十二年

一蘇松常鎮太五府州屬起運米石向係蘇松常鎮四糧廳監兌押運又因船多員少不敷照

料臨時添委丞倅一員一同押運赴通乾隆四

十五年江蘇巡撫咨准四糧廳內除松常鎮三

倅係各就所屬本郡船糧監兌押運每府數祇

二三十萬石足以照料其蘇糧通判一員監兌

蘇州府屬米七十三萬餘石又兼監兌太倉州

及屬米十萬五千餘石以一人而兼兩郡之糧

誠恐顧此失彼不若將太倉州一屬之糧卽令

添委之員專司監兌不但蘇糧通判免致鞭長  
莫及且以五郡之米分令五員監兌押運各有  
責成其應領行月等項責令監兌廳員辦理

一各省監兌各官印結應隨同開幫冊籍一併

送部遲延議處

嘉慶十  
二年